



御批歷代通鑑輯覽卷之二十一

後漢

起光武帝建武元年乙酉至獻帝建安二十五年庚子共十二帝一百九十六年

世祖光武皇帝

帝名秀字文叔南陽蔡陽

漢縣故城在今湖北襄陽府棗陽縣

人高祖九

世孫出自景帝子長沙定王

系見前

生之歲有嘉禾一莖

九穗之瑞故名

時有望氣者至春陵曰氣佳哉鬱鬱蔥蔥然

莽末起兵

先是莽改

貨曰貨泉人以其字為白水真人後帝竟從白水起

復興漢室乃即帝位

乙酉

建武元年夏六月蕭王即皇帝位改元大赦

王自薊還至中山諸將請上尊號

先是寇恂馮異擊破朱鮪移檄上狀諸將

入賀馬武進曰大王宜先即尊位乃議征伐今此誰賊而馳驚逐之乎王曰將軍言可斬也武曰諸將盡然王

使出曉之王不許到南平棘漢縣故城在今直隸趙州諸將復固請至是復請

世以光武信圖讖為非然
時承喪亂眾志未齊出險
濟艱自不得不假神道以
設教耳此不足為盛德之
累觀後竇融之言可知何
亦作論及之

王曰寇賊未平四面受敵何遽欲正位號乎諸將且出

耿純進曰士大夫捐親戚棄土壤從大王于矢石之間

者其計固欲攀龍鱗附鳳翼以成其所志耳今大王畱

時逆眾不正號位士大夫望絕計窮有去歸之思大眾

一散難可復合純言甚誠切王深感曰吾將思之行至

鄯

漢縣故城在今趙州高邑縣

召馮異問四方動靜異曰更始必敗

宗廟之憂在于大王會儒生彊華

彊風俗通作疆王微時在長安常與華同

舍

自關中奉赤伏符

識記之書曰符漢尚火德赤火色伏藏也

來詣王曰劉

秀發兵捕不道四裔雲集龍鬬野四七之際火為主

四七二十八也自高祖至光武初起合二百二十八年

羣臣因復奏請乃即位于鄯南改元曰建武大

赦天下

改鄯曰高邑

長安亂

張卬與諸將議曰赤眉且至見滅不久不如掠長安而歸南陽事若不集復入湖池中爲盜耳入說更始更始

怒使王匡陳牧成丹趙萌屯新豐李松軍擐

續漢志新豐有鴻門

亭卽擐城鴻門注見前

以拒赤眉卬與申屠建隗囂

囂降更始爲御史大夫

合謀欲共劫更始成前計更始知之斬建使兵圍囂第

卬等勒兵燒門入戰更始大敗奔新豐復疑王匡等與

卬合謀乃並召入牧丹先至斬之匡入長安與卬等合

更始攻之連戰月餘匡等敗走更始乃復入

隗囂走歸天水

赤眉以劉盆子稱帝

赤眉進至華陰方望弟陽怨更始殺其兄乃說樊崇等

曰將軍擁百萬之眾。西向帝城。而名為羣賊。不可以久。

不如立宗室。挾義誅伐。以此號令。誰敢不從。崇等以為。

然。乃于軍中求城陽景王章之後。時赤眉軍中有齊巫常祠景王。巫誑言王

怒曰。當為縣官。何故作賊。諸將驚怪。又以方陽言。乃求景王後。得七十餘人。唯盆子最。

親。盆子者。故武侯萌之子。赤眉掠盆子。與其二兄恭。茂俱在軍中。恭見更始洛陽。紹封式侯。隨入關。茂與盆

子。留赤眉中。為劉俠卿牧牛。號曰牛吏。崇等議所立。盆子以探符得之。遂其立為天子。徐

為丞相。樊崇為御史大夫。逢安為左大司馬。謝祿為右大司馬。楊音以下皆列卿。時盆子年十

五。被髮徒跣。見諸將。皆稱臣拜。恐怖欲嘔。盆子雖立。仍歸俠卿所。時

欲出從牧兒戲。俠卿怒止之。崇等亦不復候視。

秋七月。以鄧禹為大司徒。王梁為大司空。吳漢為大司馬。

伏湛。伏氏出伏羲之後。湛字惠公。琅邪東武人。勝九世孫。為尚書令。

帝使使持節拜禹大司徒

封鄴侯

按赤伏符以梁爲大司

空

符曰王梁主衛作元武時梁爲野王令帝以野王衛地元武水神司空水土官特拔梁爲之

又欲

以讖文用孫咸行大司馬眾不悅乃拜漢初更始以伏

湛爲平原太守時天下兵起湛獨晏然撫循百姓一境

以全帝徵爲尙書使定舊制又以禹西征拜湛爲司直

行尙書事

胡三省注東都之司徒西都之丞相也司直卽丞相司直

九月赤眉入長安更始奔高陵

注見前

詔封更始爲淮陽王

王匡張卬迎降赤眉連兵而進遂入長安更始單騎走

先是武侯恭以赤眉立其弟自繫詔獄聞敗乃出從更

始于渭濱至高陵將相皆降唯丞相曹竟不降手劍格

死帝憐更始破敗詔封爲淮陽王

賕賂之漸率濫觴於饋遺
卓茂力斥奸民似矣使過
吏因米肉不問肆行苞苴
援禮廢律害民又可訓乎
此亭長亦予以薄譴為宜

以卓茂

字子康南陽宛人

為太傅封褒德侯

茂寬仁恭愛哀平間為密

漢縣今屬河南開封府

令視民如子舉

善而教口無惡言吏民親愛不忍欺之

民嘗有言部亭長受其米肉遺

者茂曰亭長為從汝求乎為汝有事屬之而受乎將平
居自以恩義遺之乎民曰往遺之耳茂曰遺之而受何

故言邪民曰竊聞賢明之君使民不畏吏吏不取民今
我畏吏是以遺之吏既卒受故來言耳茂曰汝為敝民

久矣凡人所以異于禽獸者以有仁愛禮義知相敬事
也汝獨不欲修之寧能高飛遠走不在人間邪吏顧不

當乘威力彊請求耳亭長素善吏歲時遺之禮也民曰
苟如此律何故禁之茂笑曰律設大法禮順人情今我

以禮教汝汝必無怨惡以律治汝汝何所措其手
足乎一門之內小者可論大者可殺也且歸念之數年

教化大行道不拾遺遷京部丞

平帝時王莽置主勸農桑

密人老少

皆涕泣隨送及王莽居攝以病免歸上即位先訪求茂

茂時年七十餘詔曰夫名冠天下當受天下重賞今以

茂爲太傅封襄德侯。

朱鮪以洛陽降冬十月帝入都之。

帝遣吳漢率朱祐

字仲先宛人

等十一將軍圍朱鮪于洛陽

數月不下帝以岑彭嘗爲鮪校尉令往說之鮪曰大司

徒被害時鮪與其謀又諫更始無遣蕭王北伐自知罪

深不敢降彭還言之帝曰舉大事者不忌小怨鮪今若

降官爵可保況誅罰乎河水在此吾不食言彭復往告

鮪乃降

鮪封扶溝侯傳累世

十月車駕入洛陽幸南宮

注見前

遂定

都焉

侍御史杜詩安集洛陽將軍蕭廣縱兵暴橫詩救曉不改遂格殺廣上召見詩賜繁戟擢任之杜

詩字君公河內汲人繁戟前驅之器以赤油韜之亦謂之油戟王公以下皆用之

淮陽王降于赤眉尋被殺。

赤眉下書曰聖公降者封長沙王過二十日勿受更始
乃遣劉棻請降赤眉使謝祿受之劉棻請如本約樊崇
等封更始爲長沙王常依謝祿居棻亦擁護之已三輔
苦赤眉暴虐欲盜出更始張卬等以爲慮使謝祿縊殺
之劉棻夜往藏其屍帝使鄧禹葬于霸陵

鄧禹引軍屯栒邑

漢縣故城在今陝西邠州三水縣

禹擊定河東

斬更始將樊參劉均等

遂渡河破左輔兵

更始左輔都尉公乘

歟引眾十萬拒禹禹擊破之

是時劉盆子居長樂宮兵士暴掠百姓

不知所歸聞禹乘勝獨克師行有紀皆望風相攜負以
迎禹輒停車駐節以勞來之垂髫戴白滿其車下莫不
感悅于是名震關西諸將皆勸禹徑攻長安禹曰吾眾

雖多能戰者少。前無可仰之積，後無轉饋之資，赤眉新入長安，財賦方盛，鋒銳未可當。夫盜賊羣居，無終日計，變故萬端，非能堅守者也。上郡北地安定注俱見前，饒穀多畜，吾且休兵北道，就糧養士，觀其敝，乃可圖也。于是引軍北至枸邑，所至郡縣皆開門歸附。頃之將軍馮愔宗殺歆，因反擊禹。帝聞之，使尙書宗廣諭降愔。愔護軍黃防縛愔歸罪，廣并降更始諸將王匡、成丹等，至安邑盡誅之。

十一月，梁王永稱帝。

十二月，隗囂據天水。

漢郡治平襄，故城在今甘肅鞏昌府通渭縣。

自稱西州上

將軍。

囂歸天水，招聚其眾，復據故地，自稱西州上將軍，三輔

士大夫避亂者多歸之。翬傾身引接，為布衣交。以范逡

平陵人為師友。鄭興字少贛，河南開封人為祭酒。申屠剛見前、杜林

字伯山，扶風茂陵人為治書。馬援字文淵，茂陵人、王元字惠孟，杜陵人等為將軍。

班彪字叔皮，穉之子之屬為賓客。由是名震西州。聞于山東。援馬

少時，以家用不足，辭其兄況，欲就邊郡田牧。況曰：「汝大才，當晚成。良工不示人以璞，且從所好。」遂至北地牧田。

嘗曰：「丈夫為志，窮當益堅，老當益壯。後有畜數千頭，穀數萬斛，既而歎曰：『凡殖財產，貴其能貶施也。』否則守錢

虜耳。」乃盡散於親舊，聞隗囂好士，往從之。囂甚敬重，與決籌策。

竇融字周公，扶風平陵人，廣國七世孫據河西，自稱五郡武威、張掖、酒泉、敦煌、金城是為

河西五郡大將軍。

竇融累世仕宦河西，知其土俗。更始時，私謂兄弟曰：「天

下安危未可知。河西殷富，帶河為固。張掖屬國精兵萬

騎一旦緩急杜絕河津足以自守此遺種處也章留也

可以保全乃因趙萌求為都尉融既到撫結雄傑懷輯

羌虜得其歡心與酒泉太守梁統字仲寧安人等守庫鈞

張掖都尉史苞酒泉都尉竺曾敦煌都尉辛彤庫鈞

章懷曰庫氏倉庫吏後今羌中有姓庫者音舍承鈞之

後也史苞茂陵人五人尤厚善及更始敗融與統等計

竺氏孤竹君之後議曰今天下擾亂未知所歸河西斗絕在羌胡中不

議同心戮力則不能守權均力齊復無以相率當推一

人為大將軍其全議既定眾推統統辭乃推融行河西

五郡大將軍事以梁統為武威太守史苞為張掖太守

庫鈞為金城太守如故而融亦仍居河西民俗質樸融

屬國領都尉職置從事監察五郡

等政亦寬和上下相親晏然富殖羌胡咸服流民歸之

盧芳字君期安據安定自稱西平王匈奴迎之立以為漢

定三水人

帝

王莽時天下咸思漢德盧芳詐稱武帝曾孫劉文伯誑

惑安定間及更始敗芳自立爲上將軍西平王使使與

匈奴結和親單于以漢中絕劉氏來歸當如漢立呼韓

邪令尊事我乃使騎迎芳入匈奴立爲漢帝

四年五原人李興等

迎芳入塞居九原縣芳自稱天子與匈奴連兵侵苦北邊

鄧禹承制以隗囂爲西州大將軍

胡三省注承制言承制詔而命之也後之承制

始此

馮愔之叛也引兵西向天水囂擊破之于是禹承制遣

使持節命囂爲西州大將軍得專制涼州朔方

注俱事見前

丙戌

二年春正月甲子朔日食

劉棻知赤眉必敗密教弟盆子歸璽綬習爲辭讓之言
及是日大會盆子下牀解璽綬叩頭曰今設置縣官而
爲賊如故四方怨恨不復信向此皆立非其所致願
乞骸骨避賢聖路必欲殺盆子以塞責者無所離死因
涕泣噓唏崇等憐之避席頓首曰臣無狀負陛下請後
不敢因其抱持盆子帶以璽綬盆子號呼不得已旣罷
出各閉營自守三輔翕然稱天子聰明百姓爭還長安
市里且滿後二十餘日復出大掠如故

悉封諸功臣爲列侯

策曰在上不驕高而不危制節謹度滿而不溢敬之戒

之傳爾子孫長爲漢藩

陰鄉侯陰識貴人之兄也以軍功當增封識叩頭讓曰臣託屬

掖庭仍加爵土。不可以示天下。帝從之。陰氏齊管郎
仲七世孫修為楚陰大夫。因氏焉。識字次伯。新野人。郎

中馮勤

字偉伯。魏郡繁陽人。

典諸侯封事。差量功次。輕重國土。遠

近地勢豐薄。不相踰越。莫不厭服焉。帝以為能。尚書眾

事令總錄之。

故事尚書郎以令史久次補。帝始用孝廉為之。

立宗廟郊社于洛陽

起高廟于洛陽。四時合祀。高祖太宗世宗建社稷于宗

廟之右。立郊兆于城南

赤眉西掠安定北地。鄧禹入長安

長安城中食盡。赤眉收載珍寶。大縱火燒宮室。引兵而

西。眾號

號百萬。

自南山轉掠城邑。遂入安定北地。于是鄧

禹南至長安。謁高廟。收十一帝神主。送詣洛陽。埽除園

陵置吏士奉守

是秋九月赤眉欲上隴隗囂遣將迎擊破之赤眉乃復還發掘諸陵收其寶貨

鄧禹擊之反為所敗禹乃出之雲陽赤眉遂復入長安時延岑屯杜陵赤眉將逢安擊之岑大破安軍死者十餘萬人

真定王楊謀反伏誅

楊造讖記

楊病瘳因造讖記曰赤九與綿蔓
漢縣故城在今直隸

正定府獲鹿縣賊交通帝遣將軍耿純持節行幽冀密敕收楊

純至真定邀楊相見

純真定宗室之出故楊不以為疑

因閉閤誅之

二月帝幸修武

漢縣今河南衛輝府獲嘉縣是懷慶之修武漢山陽縣也

鮑永來降

先是更始上黨太守田邑知更始敗舉郡來降帝因遣

使者持節徵鮑永永與其將軍馮衍

衍自說廉丹不聽乃亡命河東會永

至以為立疑不肯降

或言更始隨

收繫使者遣使至長

漢將軍

赤眉在北

安訥問虛實至是永衍審知更始已亡乃發喪出使者

封上印綬悉罷兵幅巾詣河內帝見永問曰卿眾安在

永叩頭曰臣事更始不能令全誠慚以其眾幸富貴故

悉罷之帝曰卿言大而意不悅旣而永以立功見用衍

遂廢棄

永謂衍曰昔高祖賞季布之罪誅丁固之功今遭明主亦何憂哉衍曰天命難知人道易守守

道之臣何患死

大司空梁罷以宋弘

字仲子長安人

爲大司空

封宜平侯

弘薦桓譚

帝問弘通博之士乃薦譚

爲議郎給事中帝令譚鼓琴愛

其繁聲弘聞之不悅伺譚出朝服坐府上遣吏召譚至

不與席而讓之譚頓首謝良久乃已後大會羣臣帝使

譚鼓琴譚見弘失其常度帝怪而問之弘免冠謝曰所